

Broj: 01-2- 66/24

Datum, 22.01.2024. god.

Na osnovu člana 115. Statuta Univerziteta u Sarajevu i člana 30. Pravila Univerziteta u Sarajevu – Fakulteta islamskih nauka, a u vezi s članom 17. stavom (8) Pravila Fakulteta, u cilju osiguranja ispunjenosti kriterija za akreditaciju studijskih programa 5. Ljudski potencijali, 9. Kontinuirano praćenje, periodična evaluacija i revizija studijskih programa i 10. Mobilnost akademskog osoblja i studenata, propisanih Odlukom o izmjenama i dopunama Odluke o normama kojima se uređuju minimalni standardi u području visokog obrazovanja u Bosni i Hercegovini, te u cilju povećanja međunarodne vidljivosti rezultata istraživačke djelatnosti Univerziteta i Fakulteta, dekan Univerziteta u Sarajevu – Fakulteta islamskih nauka donosi

ODLUKU

I

1. Obavezuju se **nastavnici i saradnici** Fakulteta da:

a) u cjelosti ažuriraju svoje istraživačke profile u bazama **Google Scholar, COBISS i ORCID do 15. marta 2024.**, uključujući unos podataka o svim ranije objavljenim knjigama i člancima;

b) vrše blagovremen unos podataka o novim objavljenim knjigama i člancima, **počevši od 1. januara 2024.** pa nadalje, u bazama Google Scholar, COBISS i ORCID, kao i da po potrebi vrše redovno ažuriranje drugih informacija na istraživačkim profilima. Pod blagovremenim unosom podrazumijeva se unos podataka **u roku od 15 dana** od objavljivanja knjige ili članka;

c) redovno unose podatke u obrazac „**Istraživanje i međunarodna saradnja**“ o svojim stručnim usavršavanjima, istraživačkim i međunarodnim aktivnostima (a koji nisu već obuhvaćeni bazama COBISS i ORCID), uključujući:

- učešća na međunarodnim i domaćim naučnim i stručnim skupovima,
- recenzije knjiga, zbornika i članaka,
- redakture knjiga, zbornika i članaka,
- uredništva knjiga, zbornika i časopisa/periodike,
- učešća u međunarodnim i domaćim naučnoistraživačkim projektima,
- učešća u međunarodnim i domaćim stručnim projektima,
- odlaznu međunarodnu ili domaću nastavnu ili istraživačku mobilnost,
- dolaznu međunarodnu ili domaću nastavnu ili istraživačku mobilnost (npr. gostujući nastavnici na predmetu),
- stručna usavršavanja (cjeloživotno učenje) (npr. TRAIN program, drugi stručni seminari i edukacije) i dr.

Pod redovnim unosom podrazumijeva se unos podataka **u roku od 15 dana** od okončane aktivnosti.

2. Unos podataka o dolaznoj međunarodnoj ili domaćoj nastavnoj ili istraživačkoj mobilnosti, tj. o gostujućim nastavnicima, saradnicima i istraživačima vrši predmetni nastavnik na čijem

predmetu je organizirano gostovanje, odn. rukovodilac katedre na kojoj je organizirano gostovanje nastavnika ili istraživača.

3. Ažuriranje istraživačkih profila, kao i podataka u obrascu „Istraživanje i međunarodna saradnja“ tretirat će se kao sastavni dio radnog opterećenja nastavnog osoblja normiranog članovima 17. i 19. Standarda i normativa za obavljanje djelatnosti visokog obrazovanja na području Kantona Sarajevo, a nedostavljanje ovih podataka tretirat će se kao povreda radne obaveze.

II

1. Obavezuju se radnici Fakulteta iz reda stručnog i administrativnog nenastavnog osoblja da redovno unose podatke u obrazac „Istraživanje i međunarodna saradnja“ relevantne za radno mjesto, uključujući:

- učešća na međunarodnim i domaćim naučnim i stručnim skupovima,
- recenzije knjiga, zbornika i članaka,
- redakture knjiga, zbornika i članaka,
- uredništva knjiga, zbornika i časopisa/periodike,
- učešća u međunarodnim i domaćim naučnoistraživačkim projektima,
- učešća u međunarodnim i domaćim stručnim projektima,
- odlaznu međunarodnu ili domaću istraživačku mobilnost/mobilnost nenastavnog osoblja,
- stručna usavršavanja (cjeloživotno učenje) i dr.

Pod redovnim unosom podrazumijeva se unos podataka u roku od 15 dana od okončane aktivnosti.

2. Ažuriranje istraživačkih profila, kao i podataka u obrascu „Istraživanje i međunarodna saradnja“ tretirat će se kao sastavni dio radnog opterećenja nenastavnog osoblja, a nedostavljanje ovih podataka tretirat će se kao povreda radne obaveze.

III

1. Obavezuje se dr. Fatima Žutić, bibliotekar Fakulteta, da preuzima podatke iz baza COBISS i ORCID o novim objavljenim knjigama i člancima nastavnika i saradnika Fakulteta, počevši od 1. januara 2024.godine, te vrši njihov unos u obrazac „Istraživanje i međunarodna saradnja“.

Unos i obrada ovih podataka tretirat će se kao sastavni dio radnog opterećenja bibliotekara.

2. Dinamika unosa i obrade podataka definira se u saradnji prodekana za naučnoistraživački rad i bibliotekara Fakulteta.

IV

Prof. dr. Zehra Alispahić, prodekan za naučnoistraživački rad i prof. dr. Aid Smajić, prodekan za međunarodnu saradnju pripremit će jedinstven obrazac „Istraživanje i međunarodna saradnja“ i učiniti ga dostupnim nastavnicima, saradnicima i stručnom i administrativnom nenastavnom osoblju Fakulteta.

Podaci iz obrasca „Istraživanje i međunarodna saradnja“ bit će korišteni za dostavljanje podataka Fakulteta za izvještaje o međunarodnoj saradnji i istraživačkoj djelatnosti Univerziteta, praćenje primjene strateških ciljeva i akcionih planova Univerziteta na planu stručnog usavršavanja osoblja, istraživanja i međunarodne saradnje, pripremu godišnjih izvještaja o radu Fakulteta, godišnjih analiza stručnog usavršavanja, publicistike i drugih vidova istraživačke i međunarodne djelatnosti akademskog osoblja, praćenje koristi od potpisanih međunarodnih sporazuma, predlaganje mjera unapređenja i stimuliranje rezultata radnika Fakulteta na planu istraživačkog rada i internacionalizacije djelatnosti Fakulteta.

Obrazloženje

Član 17. stav (8) Pravila Fakulteta predviđa: „Fakultet će voditi evidencije o naučnoistraživačkom radu, na osnovu čega će stvarati bazu podataka o istraživanjima na Fakultetu, te personalne evidencije o naučnoistraživačkom radu akademskog osoblja“.

Odluka o izmjenama i dopunama Odluke o normama kojima se uređuju minimalni standardi u području visokog obrazovanja u Bosni i Hercegovini predviđa:

a) shodno potkriteriju 5.2. „visokoškolska ustanova ima definiranu politiku upravljanja ljudskim potencijalima sa jasnim i transparentnim kriterijima za zapošljavanje akademskog osoblja, zaduženjima, opterećenjima i odgovornostima, kriterijima za profesionalni razvoj, napredovanje i stručno usavršavanje akademskog osoblja i mehanizme za praćenje rada akademskog osoblja sa mjerama za unapređenje“.

b) shodno potkriteriju 5.3. „akademsko osoblje je posvećeno istraživačkom, odnosno naučno-istraživačkom i umjetničkom radu, posebno kroz međunarodne naučno-istraživačke projekte, te zajedničke aktivnosti mentora i studenata na iznalaženju grantova ili stipendija“;

c) shodno potkriteriju 5.4. „administrativnom i pomoćnom osoblju je omogućeno usavršavanje kroz učešće na obukama, posebno u vezi informatičkih sistema i sistema upravljanja“;

d) shodno potkriteriju 9.3. „visokoškolska ustanova prati i evaluira realizaciju: akcionog plana internacionalizacije, benefite od potpisanih ugovora o međunarodnoj saradnji, procenat stranih studenata i profesora (...)“;

e) shodno potkriteriju 10.3. „(...) ova služba [za međunarodnu saradnju] prati i evaluira mobilnost (...)“. Imajući u vidu gore navedeno donosi se Odluka kao gore.



DEKAN:

Prof. dr. Mustafa Hasani

Dostavljeno:

- Nastavnici i saradnici
- Stručno i administrativno nenastavno osoblje
- Prof. dr. Zehra Alispahić, prodekan za naučnoistraživački rad
- Prof. dr. Aid Smajić, prodekan za međunarodnu saradnju
- Dr. Fatima Žutić, bibliotekar Fakulteta
- a/a